



04 février 2021 (Past Zaranaina ANDRIALAMPISON)

Mpitandrina: Amin'ny anaran'ny Ray sy ny Zanaka ary ny Fanahy Masina. Amena.

Hira: 14 FFPM and 1 « O! ry tany rehetra avia izao »

Vavaka (Mpitandrina)

Lohahevitra: Ny lohahevitra banjinintsika amin'ity tolakandro ity dia ny hoe: « *Amour, confiance et engagement.* » Ny Soratra Masina hanankinana ny fanadihadiana dia ny Mar 10, 1-31.

Vakiteny 1: Mar 10, 1-12

"1 Ary niainga niala teo Jesosy, dia tonga tany amin' ny sisin-tanin' i Jodia sy tany an-dafin' i Jordana; ary nisy vahoaka betsaka indray niangona teo aminy; koa araka ny fanaony dia nampianatra azy indray Izy.

2 Ary nisy Fariseo nanatona Ary, dia naka fanahy Azy ka nanontany hoe: Mahazo misao-bady va ny lehilahy? 3 Ary Izy namaly ka nanao taminy hoe: Ahoana no nandidian' i Mosesy anareo? 4 Ary hoy izy: Navelan' i Mosesy hanoratra taratasy fisaoram-bady ny lehilahy ka hisao-bady. 5 Fa hoy Jesosy taminy: Ny hamafin' ny fonareo no nanoratany izany didy izany ho anareo; 6 fa hatramin' ny fony vao nanaovana izao tontolo izao dia lahy sy vavy no nanaovany ny olona. 7 Ary noho izany ny lehilahy dia handao ny rainy sy ny reniny ka hikambana amin' ny vadiny; 8 ary ho nofo iray izy roroa; ka dia tsy ho roa intsony izy, fa ho nofo iray ihany. 9 Koa izay nakamban' Andriamanitra dia aoka tsy hampisarahin' olona.

10 Ary nony mby tao an-trano, dia nanontany ny amin' izany koa ny mpianatra.11 Ary hoy izy taminy: Na zovy na zovy no misao-bady ka mampakatra vehivavy hafa, dia mijangajanga ka manala-baraka ny vadiny.12 Ary raha ravehivavy kosa no misaotra ny lahy ka manambady olon-kafa, dia mijangajanga izy."

Hira: 48 FF and 1 « Andriamanitra Fitiavana »

Vavaka:

- ✓ Fisaorana an'Andriamanitra Fitiavana.
- ✓ Fifonana noho ny tsy fahamendrehana.

Vavaka (Mpitandrina)

Vakiteny 2: Mar 10, 13-16

"13 Ary nisy nitondra zazakely ho eo aminy mba hametrahany tanana; fa ny mpianany niteny mafy ireny.14 Nefa tezitra Jesosy, raha nahita izany, ka hoy Izy taminy: Avelao ny zaza hanatona Ahy, ary aza raràna; fa an' ny toa azy ny fanjakan' Andriamanitra.15 Lazaiko aminareo marina tokoa: Na zovy na zovy no tsy handray ny fanjakan' Andriamanitra tahaka ny zaza, dia tsy ho tafiditra aminy akory.16 Ary nitrotro azy Izy, dia nametra-tanana taminy ka nitso-drano azy."

Hira: 48 FF and 2

Vavaka:

- ✓ Fankalazana an'Andriamanitra Mpamonjy ny olombelona rehetra na ny kely na ny lehibe
- ✓ Ho an'ny zaza sy ny ankizy
- ✓ Fangatahana fo matoky sy miankina tanteraka an'Andriamanitra

Vavaka (Mpitandrina)

2

Vakiteny 3: Mar 10, 17-27

"17 Ary nony vao nivoaka nankeny an-dalana Jesosy, dia nisy olona anankiray nihazakazaka nanatona ka nandohalika teo anatrehany ary nanontany Azy hoe: Mpampianatra tsara ô, inona no hataoko handovako fiainana mandrakizay?18 Ary hoy Jesosy taminy: Nahoana Aho no ataonao hoe tsara? Tsy misy tsara afa-tsy Iray ihany, dia Andriamanitra.19 Fantatrao ny didy hoe: Aza mamono olona, Aza mijangajanga, Aza mangalatra, Aza mety ho vavolombelona mandainga, Aza manambaka, Manajà ny rainao sy ny reninao.20 Ary hoy izy taminy Mpampianatra ô, izany rehetra izany efa notandremako hatry ny fony aho mbola kely.21 Ary Jesosy nijery azy tsara, dia tia azy ka nanao taminy hoe: Diso zavatra iray loha hianao; mandehana, amidio izay rehetra anananao ka omeo ny malahelo, dia hanana rakitra any an-danitra hianao; ary avia hanaraka Ahy.22 Dia nanjombona terỳ ny tarehiny tamin' izany teny izany, ka niala tamin' alahelo izy, satria nanana harena be.23 Ary Jesosy nijery manodidina ka nanao tamin' ny mpianany hoe: Manao ahoana ny hasarotry ny hidiran' ny manan-karena amin' ny fanjakan' Andriamanitra!24 Ary ny mpianatra dia gaga tamin' ny teniny. Fa Jesosy namaly indray ka nanao taminy hoe: Anaka, manao ahoana ny hasarotry ny hidiran' ny matoky ny harena amin' ny fanjakan' Andriamanitra!25 Moramora kokoa ny hidiran' ny rameva amin' ny vodi-fanjaitra noho ny hidiran' ny manan-karena amin' ny fanjakan' Andriamanitra.26 Dia talanjona indrindra izy ka nanao taminy hoe: Iza indray no azo hovonjena?27 Fa Jesosy nijery azy ka nanao hoe: Raha amin' ny olona, dia zavatra tsy hainy izany; fa tsy mba tahaka izany amin' Andriamanitra; fa ny zavatra rehetra dia hain' Andriamanitra."

Hira: 446 FFPM and 1 "Atolotro anao ny tenako, ry Raiko"

Vavaka:

- ✓ Fanoloran-tena ho an'ny Tompo
- ✓ Ho an'ny firenena rehetra manerana ny tany (isan'izany i Madagasikara) mba hanaiky an'i Jesosy Kristy Mpanjaka.

Vavaka (Mpitandrina)

Vakiteny 4: Mar 10, 28-31

"28 Ary hoy Petera taminy: Indro, izahay efa nahafoy ny zavatra rehetra ka nanaraka Anao.29 Hoy Jesosy: Lazaiko aminareo marina tokoa: Tsy misy olona efa nahafoy trano, na rahalahy, na anabavy, na reny, na ray, na zanaka, na tany, noho ny amiko sy ny filazantsara,30 ka tsy handray zato heny amin' izao andro ankehitriny izao-dia trano sy rahalahy sy anabavy sy reny sy zanaka sy tany mbamin' ny fanenjehana-ary amin' ny andro ho avy dia fiainana mandrakizay.31 Nefa maro izay voalohany no ho farany, ary izay farany no ho voalohany."

Hira: 446 FFPM and 2

Vavaka:

- ✓ Ho an'izay henjehina noho ny finoany sy noho ny Filazantsara
- ✓ Ho an'ny tsy salama sy ny azon'ny manjo
- ✓ Hetaheta manokana

Vavaka (Mpitandrina) + « Rainay izay any an-danitra... »

Hafatra:

"Isaorana anie Andriamanitra, Izay manome antsika ny fandresena amin' ny alalan' i Jesosy Kristy Tompontosika " (1 Kor 15, 57).

Tsodrano:

« *Ho aminareo rehetra anie ny fahasoavan' i Jesosy Kristy Tompo sy ny fitiavan' Andriamanitra Ray ary ny firaisana amin' ny Fanahy Masina.* » (2 Kor 13, 14)

Mpitarika: Voninahitra ho an'Andriamanitra, Ray sy Zanaka ary Fanahy Masina, Izay hatramin'ny taloha indrindra ka ho mandrakizay.

Mandehana amin'ny fiadanan'ny Tompo. Amena.